


STORACLES OF PROPHECY

A Minthang Kumpigam

Kumpite Masa 3:5-15; 10:1-29

Ta-ang Thu ..



AMAZING FACTS

aa, letsong tampi zong hong puak uh hi. A maute in Solomon lungsim sunga, Pasian in apiak a lamdang pilnate zanuam a hong paite uh ahihi (Kumpite masa 10:24).

Tua hong zinte lakah khat bang, ahau mahmah, amel hoih mahmah gamlapi aom Sheba kumpinu ahihi. Israel kumpipa pilna, minthanna, liatnate mite gen bek tawh lungkim lo iin, amahmah in muh teekiek sawm aa hong zin ahihi. Sheba kumpinu in Solomon tungah dotna haksa thu tampi tak donga, tuate khempeuh baihlam tak leh kitel takin Solomon in avekpi iin dawng khin thei hi. Kumpinu in a-etau khempeuh lungmang liangin lamdang sa mahmah hi. Ahih hangin, tua zahta aa genbaang omlo zah aa, ahoih Isreal gam pen, nang adinga Pasian in hong bawl sak gam tawh teh leng, siakmit tan zong ban nailo hi.

Solomon Israel kumpi dinga hong dinkip khitciangin ma-ang sungah Topa hong kilang a, "Bang kong pai ding hiam?" ci in dong hi. Kumpite masa 3:5. Hih akhangno kumpipa in sum leh paai, nuntaak sauna, hauhna phatnate ngen thei hi, ahih hangin amah in tuate ngenlo hi. Ka mite ka uktheih nading pilna ci in ngen hi. Kiniakhiatna tawh a thungetna Topa in dawnga, midangte khat beek in aneih ngeloh ding a lamdang pilna pia hi. Tua thamlo iin anget lohpi iin, hauhna, liatna, minthanna, nuntaak saunaate pia hi.

Kumpi Solomon uksung tengin Isreal gam sung khempeuh ah gal omlo iin, kilemma leh lungmuanna bek tawh kidim hi. "Kumpipa in Jerusalem ah suang bangin ngun olsak a, amah in shefelah theiba sing bangin taamtaak sing tam sak hi." Kumpite masa 10:27. Tua banah ahoih mahmah suang manpha namkim leh kham tawh kidim aa kizem Pasian biakinn pi khat zong lam aa, huan hoih mahmah tawh ki-um Kumpi inn lian mahmah khat zong lam lai hi. Khuapi sung khempeuh inn hoih nono leh sakol galkap tampite leh sakol leng tawh zong kidim sak hi. Çamsung khuaneu khempeuh zong, paak hoih nono te leh, singkung hoih mahmahte tawh zem kawikawi hi. Leitung mun khempeuh panin kumpite, mang liante, mi haute, mi pilte, khempeuh Solomon kiangah hong zin uh

aa, letsong tampi zong hong puak uh hi. A maute in Solomon lungsim sunga, Pasian in apiak a lamdang pilnate zanuam a hong paite uh ahihi (Kumpite masa 10:24).

Thu Sinna

Laisiangtho na sim khitciangin a awng munte behlap in.

1. Zeisu in Ama mite bang kamciam pia hiam?

John 14:2 Ka Pa' inn sungah _____ tampil aom hi. ... Note omna ding _____ bawl khol dingin ka pai ding hi.

2. Zeisu' bawlkholna mun bang dan cih i thei hiam?

Isaiah 65:17 En un, vantung _____ leh leitung thak ka piangsak hi.

Hebrews 11:16 Amau omna ding _____ a bawlkhol hi.

Matthew 5:5 Lungnemte in thupha a ngah ding uh hi. Bang hang hiam na cih uh leh, amau in _____ aluah ding uh hi.

Isaiah 65:21 Amaute in _____ lam ding uh a, a sungah teeng ding uh hi.

Phawk Ding: Lamdang sil! Pasian in a mite adingin van thak, lei thak, khuapi thak bawlkhol sak khin hi. Mi dikte in Zeisu in abawl tua khuapi sungah inn lian mahmah te luah ding uh a (John 14: 2), beklo in lei thak ah amau leh amau in zong a hoih mahmah inn a lamtawm ding uh hi (Isaiah 65: 21).

3. Khuapi siangtho thu itheih beh bang omlai hiam?

Mangmuhna 21:16 Tua khuapi pen _____ nei, adung avai kikima kilam ahi hi. Amah in tua ciang tawh khuapi teh a, adung, avai le a sanna stadia(furlongs) _____ a pha kim hi. (ZIV)

Mangmuhna 21:2 Jerusalem khua thak a hi Khuapi Siangtho in a ... kigingkhon in Pasian kiang _____ pan hong kiasuk ka mu hi.

Mangmuhna 21:10, 12 Khuapi Siangtho, Jerusalem hong lak hi. ... Kulh lianpi sangpitak nei a, kongpi _____ nei in, ...

Mangmuhna 21:18 Tua khuapi _____ pen _____ suangmanpha tawh kibawl hi.

Mangmuhna 21:21 Tua khuapi kongzingpite _____ citak hi-a, limlang paisuak a bang hi. (ZIV)

Phawk Ding: Khuapi siangtho pen adung avai kikim iin, a kiim pen furlong 12,000 ahih kei leh tai 1, 500 hi. Vantung panin lei thak ah hong tuaksuk iin tu-a Olive Mual ah hong kinga ding hi (Zechariah 14: 4). A kong 12 te suang manpha khatciat tawh kibawl hi iin (Mangmuhna 21: 21), tua khuapi' jasper kulhte cubit 144 (Mangmuhna 21: 17) ahih kei leh pi 216 zai hi (cubit 1 in letmat 18).

4. Laisiangtho in khuapi ii tui leh nek leh dawn thu bang hong ci gen hiam?

Mangmuhna 22:1 Vansawltak in nuntaakna _____ tui hong laka, ... (ZIV)

Mangmuhna 22:2 Khuapi kongzing lian laizangah a luangsuk hi. Tua gunpang tuakah _____ singkung po-in, kha simin gah a, kum khatin sawm le nih vei a gah hi. Tua singkung a tehte minamte damsak nading ahi hi. (ZIV)

Phawk Ding: Pasian tokhom panin akang ngeilo asiang gun tui luangkhia a, kha sim in nuntaakna singkung in gah nam tuamtua a gah den hi. Hih a lamdang singgah leh a teh te in sih theihlohma pia a, nuntaak tawntung na a hawm hi. Pasian' mi siangthote in zong a inn ua a ciin uh ante a ne lai ding uh hi (Isaiah 65:21). Pasian' mite' nek ding an pen mawhna tun ma aa an-singgah, buhte leh singgah sunga om a tang te hi ding hi (Piancil 1:29, 31). Lim ciatik iin lim dinga, pumpi adingin zong hoih mahmah ding hi.

5. Vantung aa nuntaak pen hih leitung aa nuntaak tawh bangci kilamdan ding hiam?

A. Isaiah 35:5 Tua ciangin _____ mit kihong ding a,

B. Isaiah 35:5 Tua ciangin _____ bil kihong ding hi;

C. Isaiah 35:6 Khebai mipa pen _____ iin laam dinga, a pau theilo mipa in lungdam iin _____ ding hi.

D. Isaiah 65:25 Keima mual siangtho tungah amaute [ganhangte] _____, kisusia lo ding uh hi

E. Isaiah 11:6 Keivom pen tuuno tawh om khawm ding a, ... khat nangawn in tuate hawl ding hi.

F. Isaiah 35:1 Sehnal gam _____ palakhia dinghi.

G. Isaiah 33:24 Ih gam-a teeng mite kuamah in, "_____ ci nawnlo ding uhhi.

H. Mangmuhna 21:4 _____ zong a nung ciangin aom non kei ding hi. ... thuumna, kahna, natna zong a om kei ding hi.

6. Misiangthote pumpi bangcibang pumpi hi ding hiam?

Philippians 3:20, 21 Topa Zeisu Khris: Ama-a' mah bangin a _____ pumpi tawh hong kheelsak ding hi.

7. Zeisu in kha hiam or Pumpi taktak hiam?

Luke 24:39 Ka khutte le ka khepekte en un. Kei mahmah hi buang ing! Hong lawng unla en un; sikha in tu-a na muh uh kei neih bangin le _____ a nei kei hi, "a ci hi. (ZIV)

Phawk Ding: Thawhkik khitcianga Zeisu' pumpi pen na khut tawh na khoih, na lawn theih guh leh sa mah ahihi. A kiang uh ah hong kilit vat ciangin nungzuite in sikha sa uh a, ahil hangin a lawn khit uh leh a annekk a muh khit uh teh (Luke 24:40 - 43), Amah taktak hi ci a thei uh hi. Ni sawmli khit ciangin, Zeisu in Bethany pan pai khati pih a, van a kah hi (Luke 24:50,51). Nungzuite kiangah vantungmite in "Note kiang pan vantungah kilato Zeisu [guh leh taang a nei]... vantungah a pai na muh uh bangin khat vei hong kumsuk kik ding hi," a ci hi (Sawltaakte 1:11). Mihing hong suah a kipanin Zeisu in mihingte tawh a tawntung in kizom den a, Pasian zong hi ve ve hi.

8. Adang hansuahna hong khap bang omlai hiam?

Sawltaakte 3:20, 21 Zeisu hong paisak ding iin, ... Na khempeuh a _____ kik hun matengin, vantungin Zeisu asang dinghi.

Phawk Ding: Pasian kiphat hen, mawhna ong lutna hanga a omlo na hoih khempeuh Pasian' kumpi gam thak ah kikoih kik ding hi. Mi khempeuh in khat leh khat it takpi, muang takpi in kihuham diamdiam ding uh hi. Tua hangin,

ngong gamtatnate om nawnlo dinga (Isaiah 60:18), lehhækna, zatkhalhnna, cihtak lohna, thumaan lohna, gensiatna, lungmuan lohna, dahna, lauhuaina, lungkim lohna, lungkhamnate zong om nawnlo ding hi. Nuamna om iin, lungdamna, lungkimna om iin, nuntaakna nop tawntung hi ding hi.

9. Vantung ih tun ciangin hih leitunga gimnate ih phawk lai diam?

Isaiah 65:17 Abeisa nate kiciamteh _____, kiphawk kha nawnlo ding hi.

Phawk Ding: "Kiciamteh" cih pen "ngaihsut in nei" cih tawh ki tel zaw hi. A mi siangthote kiangah leitunga dahnate in vantungah dabsak nawnlo ding hi ci a Topa in a khapna ahi hi.

10. Leitung mite in vantungah khat leh khat a kithei lai ding uh hiam?

1 Corinthians 13:12 Tu-nung ciangin Pasian in kei hong theih bangin ka _____ ding hi.

Phawk Ding: Ih mel om zia, ih pai zia, ih om zia, ih awsuahle tawh khat leh khat kitel mahmah ding hi. Khat leh khat kitheihthehna vantungah hoih zaw tham lai ding hi. Vantung pen a lamdang mahmah innkuwan kigawm kikna mun hi ding hi.

11. Hong tung ding Ama kumpi gam tawh kisai iin a lawphuai kamciam dang bang hong pia lai hiam?

A. Isaiah 35:10 TOPA in tatman a piaksate ... lasa kawmin Zion ah lut ding uhhi; amauta lutungah a tawntungin _____ khu ding uh hi. (ZIV)

B. Late 16:11 Na taklam ah _____ tawntung nate om hi.

C. Zechariah 8:5 Khuapi sung kongzing teng numeino le pasalno _____ tawh kidim ding hi. (ZIV)

D. Isaiah 40:31 Amau te tai napi un _____ lo ding uh a, amauta lam pai napi-un _____ lo ding uh hi.

E. Isaiah 40:31 Muvanlai bangin _____ tawh leengto-in.

Phawk Ding: Mi siangthote vantungmite bangin khuavak hatzah sangin a manlang zaw iin leeng thei ding uhi. Na khempeuh a luah manun (Mangmuhn 21:7), leitung dangte ah hawh thei ding uha tawmvei cik sungin tung ziau ding uh hi. Laisiangtho tungtawnin, Pasian in a puklo leitung dang nei hi (Job 1:6; Hebru 1:2; 11:3).

12. Pasian' kumpigam thak kam tawh ih genzo diam?

1 Corinthians 2:9 Pasian a itte adingin Pasian bawlsate in, mittang tawh kimulo, bil tawh kizalo, _____ sungah a tum lo nate a hi hi.

Phawk Ding: Tu-a ih om daan in nang leh kei in Pasian in a tate adingin abawlsak a lamdang nate ih ngaihsun thei nai kei hi. Vantung ii lamdang lungnopna, nopsakna lianpite kam ahi zong, ngaihsutna ahi zong, ma-ang in ahi zong bangmah in kingaihsun theilo hi. Leitungah bangbang ih thuak zongin vantung tunciang leitung buainate phawk thamlo ding hi (Romans 8:18).

13. Pasian' kumpigam thak ah akingah alian pen in bang hiam?

Mangmuhn 21:3 Pasian in amauta tawh a _____ ding hi.

Phawk Ding: Um inla, lamdang sa in! Pasian in lei thak ah A mite tawh teeng khawm ding hi. Nuamna leh vangliatna anealte uh bangmah tawh tehpip theih omlo hi.

14. Vantung ah kuate tunglo ding uh hiam?

Mangmuhn 21:27 A _____ a kipan _____, thumaan lo nate a bawl mi khat beek in tum thei ngeilo ding hi.

Mangmuhn 21:7 A _____ mi in hihte khempeuh luahin,

Phawk Ding: Mawhna in niin ahih manin vantungah kiphallo hi. Tua hikei leh langdona kipankik kha ding hi. (Behlapna en in "Pasian' Kumpigam")

15. Mawhna tawh kibangci pelh thei ding ka hi hiam?

1 John 1:9 Pasian kiangah i mawhname va pulak lehang, amah citakin thuman ahih manin, i mawhname hong maisakin i hoihlohnate khempeuh hong _____ ding hi.

Phawk Ding: Zeisu kiangah mawhmaina ka nget ciangin, hong maisak iin hong sawp siang a, A ta hong hisak hi.

16. Tu leh mailam ih nuntaakna ah ih gualzawh nadingin Zeisu in bang hong gen hiam?

Matthew 6:33 _____ leh ama dikna zong masa un. Na zon' uh leh, tua na khempeuh a hong piakthuah ding hi.

Theihding: Pasian in Solomon kiangah "Bang deih na hiam?" a cih ciangin Solomon in tua banglian iin na dawng hi. A ngaihsut masak pen Pasian' gam leh Ama dikna ading ahihi. Tua manin alamdang kumpigam ii thupha in zui hi. En zong Pasian' gam ih zon masak leh ei zong hong pia ding hi.

Nang Dawna

Pasian in leitung thu khempeuh uk hicih thei iin, na nuntaakna Amah na uksak nuam hiam?

DAWNNA: _____

Hilhcianna

Hih anuai-a te in telzawk nadingin hong huh ding hi.

Pasian' Kumpigam

Laisiangtho pen, kumpigam nih kidonate – Pasian kumpigam leh Satan kumpigam – kigelhna mun ahi hi. Zeisu in a thugenrate khempeuh ah Pasian kumpigam bulphuh iin hong hilh den hi. Laisiangtho Thak bek ah zong Pasian kumpigam genna mun 100 val om a, tampitak Zeisu thugentehna ah om hi. A thugentehna pan iin Pasian vantung gam pen nam nih ---- khalam leh leitung lam iin kikhen hicih ih thei hi.

Khalam kumpigam ahi, vantung Pasian tokhom ngakna mun pen, amauta lungsim sungah guan hi. Mi khat akikhel ma-in alungsim sungah Satan in tokhom la hi. Ahih hangin, Zeisu um iin hong gupna leh hongmaisakna ihsan ciangin, tua Satan tokhom pen kilakhia hi. "Na ci leh sa lunggulhna nazuih loh nadingin, na pumpi mawhna tawh ki-eksak kei in... Tua hileh mawhna in nang hong zolo dinghi." Roman 6:12, 14. "Ahilh hangin Pasian khutme tawh dawite hawkhia kahih leh, note tungah Pasian gam hong tun nadingin lunghihmawh nading omlo hi." Luke 11:20.

Zeisu honpa gumpa aa nasan khitphet iin, khalam Pasian kumpigam mi na suakthei pah hi. Tua man mahin Zeisu leh tuiphumpa John in thu ahilh laite un, mi honpote kiangah na mawhname uh pulaak iin kisikkik un, "Pasian gam hong nai zo hi" ci-in thuhilh uh hi (Matthew 3:2; 4:17). "Naizo hi" cih khatna in tun zong kingahthei pah cihna hi. Tua man mahin Zeisu in agen iin ah, "Vantung gam pen mite ngaihsut bangin hong pia lo hi: amauta in hihlai ah, hualai ah; cihang hilo in, Pasian gam note sungah aom hi." Luke 17:20, 21. Mihing khat hong kituiphumkhit phet iin, Satan kumpigam khuamial in nusia iin khuavak Pasian kumpigam in hong luah pah hi.

Zeisu azui thumaan mite khempeuh in, khalam Pasian kumpigam palai (kusale)te hipah hi. Gam khat aiawh aa om(ambassadors)te khempeuh in, amau gam sunga kizang kampau tuam, puansilh tuam, annekk tuam, sum tuam, gammat khuaheek tuam, nei ciat uh hi. Tua bang mah iin Christian aiawhte khempeuh in, ih neek, ih dawn, ih silh, ih ten, gammat khuaheek, ih paudan, ih hunte leh ih sum ih paite zatna ah pilvang tak aa kidop kikep ding ahihi.

Khatvei ni ciangin, tu aa ih kikup Pasian kumpigam pen, ih taksa pumpi mahmah tawh luah takpi ding hihang. Hih kumpigam pen, ih lunggulh mahmah Topa thungetna a ih nget detna mun, "Na gam hong piang tahan" Mate 6:10 ahi hi. Pasian kumpigam pen ih taksa mahmah tawh, kum 1000 man khitciangin, Mangmuhn 20 sunga hong gen bangin thukhenna leh kidona lian hong man ciangin, ngah takpi ding hihang!